

**Productor Canades
lo filma parti di
"Awesome Ocean
2.0" den awanan
marino di Aruba**

.. Berdad nunca a perhudica ningun hende ningun causa ni ningun nacion ..

DiARIO

www.diario.aw

Un Bandera... Un Escudo... Un Himno... Un DIARIO

Telefon 582-6747 • Fax 582-8551 • P.O. Box 577 • Engelandstraat 29 • noticia@diario.aw

CELEBRANDO 35 AÑA CU PUEBLO Aña 37 • No. 105806 • 1,50 Florin DIASABRA 27 FEBRUARI 2016

**Musico Johnny
Croes a pidi
disculpa na
musiconan**

Problema riba dump ta pone bida di trahador y ciudadanonan na peligro

A palabra varios punto cu ya ta den proceso caba

ORANJESTAD(AAN): Por mira cu den e caso di Serlimar, como mediador, e ta pacifica hopi problema y ta yama hopi grupo pa solucionacion problema tambe. Reunionnan cu ta dirigi sea pa gobierno y tambe pa dump, cu problemanan cu ta existi eyriba. Segun Anselmo Pontilius, e reunion di ayera, compara cu esun di diaranson, tin su efecto. Tin palabracionnan concreto riba varios punto. E sindicato cu rason a keha cu tin demasiado punto a tarda y e trahadonan a sinti nan hopi decepciona riba e tardansa pa haya un solucion. A ilustra riba ocho pa dies punto, di cual gerencia entre diaranson y ayera a cana riba nan y tin indicacion cu lo tin sigur solucion pa nan riba corto plazo. Nan lo reuni otro siman cu trahadonan sigur riba dump y dia 8 tin palabracion y lo sigui di cerca pa wak con pa atende esaki. Sr. Howell a bin den nomber di minister y ya a bisa cu tambe lo atende. Un di e problemanan serio cu tin ta cu a manda carta pa gobierno di e problema riba dump cu ta conoci y ta pone bida di trahado y ciudadanonan na peligro. Cu polis tin cu mira con por haya



un solucion. Por ehempel un cantidad di tripulante cu ta riba barconan di fruta cu ta yega Barcadera y ta subi eyriba, ciudadanonan comun ta cana kibra eyriba, sin realisa cu nan bida ta na peligro pa no papia mes di e efecto di candela pa e ciudadanonan. Esey ta un problema cu tin atencion p'e hopi serio y cu rason e trahadonan ta protesando. Nan tin hopi pasenshi pero a ripara con el a yega asina leu cu atrobe tabata tin accion cerca e trahadonan. Riba e puntonan cu a wordo trata por a wordo atendi hopi mas lihe y cu e speranza den e proximo siman, lo haya claridad riba e puntonan aki. Nan a palabra cu ta reuni otro siman, dia 8 di Maart y un biaha mas e comunicacion ey mester keda hopi habri. a reco-

menda e gerencia pa keda den contacto frecuente cu e trahadonan, pasobra e trabao di un empresa y di e trahadonan ta bastante mal ingrato, y e comunicacion mester ta habri. Di un otro banda gerencia tin keho di hende cu no ta cumpli y a bisa cu e problema ey no por wordo garantisar. Pa diferente punto practico falta di material, den e proximo dos simannan lo bay tin gran parti tras di lomba. Entre otro construi un espacio pa trahadonan na dump y tambe pa e materialnan pisa, na ta den proceso, pero lo tin cu tuma mas tempo. Por lo menos e trahadonan awo por tin e sentimento cu tin solucionnan concreto y por mira nan tambe den luna di Maart caba, mediador a conclui.

Sindicato, Serlimar, mediador y gobierno a reuni tocante dump



ORANJESTAD(AAN):SEP-PA, manehadonan di dump, director di Serlimar, consehero di gobierno di despacho di Minister di medio ambiente, encarga cu dump y mediador di gobierno, a sinta na mesa pa trata e problema cu tin y tur hende ta buscando un solucion pa kita e preocupacion cu ta reinando. Edmundo Marlin di SEPPA a comenta cu diahuebs nan

a yama acerca e coordinador di minister Mike de Meza, pa bin atende e parti specifico di dump. Tin un situacion ta andando pa basta tempo caba. E fenomeno di e candela cu ta tuma luga y hendenan no autorisa cu ta subi dump. Ta buscando e solucion pa e problema aki pasobra na cierto momento ta mira e peligro, tanto pa e trahado y pa esnan cu no ta suppose



di ta riba dump. Pa e motibo ey tabata tin e reunion. Aki e coordinador a duna di conoce cu lo pasa e mensahe na e minister pa wak kico por haci y ken ta e partnernan cu tin cu bay sinta pa wak con ta bay atende e situacion aki. Un di e otro problemanan ta, pero tambe hendenan di barco cu ta bay riba dump. Awo con ta bay tackle e problema ey pa bin cu un solucion pa e hendenan cu no ta autorisa of no mag di ta eyriba. Por sinti for di e consehero cu e subimiento y candela no ta e preo-

cupacion mas grandi pa e trahadornan. Edmundo Marlin a splica cu Howell a bin pa e parti di dump. E walk out cu e trahadornan a tene di aranzon, ta uno general. Tur cos tin di haber cu Serlimar. Serlimar ta un compania di cual dump di Parkietenbos ta cay bao di dje. Eynan a touch basta di e puntonan y tin un reunion preparando pa bin atende cun'e otro luna. E fecha ta indica cu lo bay bira muy probable dia 8 di Maart, caminda cu lo bay sinta. A indica caba algun cos cu por wordo soluciona y pesey mes den e reunion cu ta bay bin, e otro cosnan cu no por a keda wordo soluciona diahuebs, eseynan tambe lo bay purba soluciona nan. E reunion a bay den bon ambiente. E director a priminti cu ta bay busca tur e solucionnan pa e problemanan cu tin añanan ta atendiendo cune. Ta contento

con e reunion a bay y e trahadornan tambe ta bay sinti e diferencia ey, e momento cu solucionnan aki bin na su luga, Marlin a splica. E trahadornan a pidi un reunion cu e minister y na cierto momento e reunion ey mester a tuma luga. Despues e no a tuma luga. Al fin y al cabo e minister a dicidi di manda e coordinador. E coordinador a bin sinta cu e trahadornan. El a scucha y nan a papia di un total di 12 punto y despues di a scucha e trahadornan, el a bay cu e puntonan na director di Serlimar y di cual a traha un documento, kico Serlimar por haci pa e 12 puntonan ey. Aparentemente lo tin un reunion planea caminda e coordinador lo bay bek cerca e trahadornan na dump, y informa nan kico ta locual Serlimar a duna di conoce, kico ta posibel pa wordo haci.